

Acció Cultural del País Valencià-k (ACPV) abiatu zuen kanpaina. Elkartek 40 urte ditu eta 2007 urtetik ari da kanpaina honetan lanean. Valentziako PPreu gobernuak telebista-seinaleen sarea ixteko etengabeko ahalegina egin du, TV3 Herrialde Valentziarrean heda ez dadin. Horri aurre egiteko abiatu zuen ACPV-k kanpaina hau.

Aipatutako sarea elkarteara da, 80ko hamarkadan sortu zen 150.000 valentziarrek egin zuen ekarpen ekonomikoari esker. Ekarpen horrekin beharrezko lur-sailak eta tresneria erosi ziren.

25 urtetan TV3 Herrialde Valentziarrean normaltasunez ikusi ahal izan da, oztopo desberdinak gaindituz, Barrionuevoren oztopoak jartzeko ahaleginari lehenik (Guardia Zibila bidali zuen errepikagailuak ixtera) eta Zaplanaren ixteko ahaleginari ondoren. Gaur egun telebista eskaintza osoan aukera bat da, aukera garrantzitsua gainera katalanaren normalizaziorako, gaztelaniazko telebista-eskaintza handiaren aurrean.

2007ko urtarrilean zabaldu zion Valentziako Generalitat-ek Acció Cultural-i lehen espediente administratiboa errepikagailu bat ixteko eskatuz. Elkartearen ezezkoaren ondoren, Generalitat-ek errepikagailu bakoitzaren aurkako espediente bana jartzeko prozedura zabaldu du, ixteko ezezkoaren aurrean isunak ezarriz (jada 700.000 euroko isuna ordaindu behar dute).

Egoera honen aurrean eta Valentziako gobernuak elkarrizketarako borondaterik ez duenez, nahiz eta gehiengo soziala TV3 ikustearen aldeko izan, Acció Cultural-ek abokatuekin harremanak egin zituen TV3-ren emankizunak legeztatzeko oinarri juridikoa bilatzeko. Oinarri hori Erregio edo Gutxiengoan Hizkuntzen Europako Gutunak eskaintzen du, Espainiar gobernuak 1992an sinatu zuen (Felipe Gonzalezen garaian) eta Espainiako Parlamentuak 2000. urtean berretsi zuen (Jose Maria Aznarren garaian).

Gutun honek honela dio 11.2. artikuluan: “Alde guztiek irriti zein telebista emisioak zuzenean jasotzeko eskubidea bermatzeko konpromisoa hartzen dute, bizilagun diren herrialdeetan erregio edo hizkuntza gutxiagotu berbera edo antzekoa erabiltzen badute, eta ez dute oztopatuko ondoko herrialdeetako telebista edota irriti emankizunak hizkuntza horretan ematea. Gainera, prentsan adierazpen askatasunari dagokionez inolako murrizketarik egin ez dadin bermatzeko konpromisoa hartzen dute eta informazioaren zirkulazio librea bermatzeko hizkuntza gutxiagotu horretan edo antzekoa den hizkuntzan”.

Europar Gutunean oinarrituta eta oinarri juridiko zabalagoa aintzat hartuta idatzi da lege proiektua. Horren helburua da Gutuna aplikatzea, izan ere oinarri juridikoa badago, soilik horren aplikazioa egin behar da.

Behin lege proiektua idatzita, Acció Cultural-ek Kataluniako, Valentziako eta Balearretako alderdi politikoekin harremana egin ondoren, hauen jarrera aldekoa zela ikusi zuen. Dena den, eta lege hori Espainiako parlamentuan landu behar denez, parlamentuko eztabaidaren atzean mobilizazio garrantzitsua egon behar zela pentsatu zuen. Horregatik pentsatu zen Ekimen Legegile Herritarra izango zela aukerarik onena.

Estatu mailako Ekimen Legegile Herritarrak 500.000 sinadura jasotzea suposatzen du. 18 urtetik gorako Estatu espainiarreko herritarrenak izan behar dira eta martxoaren 24an

Madrilgo Hauteskunde Junta Zentralean entregatu behar dira. Horregatik, kanpaina martxoaren hasieran amaituko dugu.

Sinadura lege proiektua jasotzen den koadernoetan jasoko dira eta sinadura eman nahi duenak, bere datuak eman beharko ditu.

Acció Cultural del País Valencià-koek gurekin harremana egin zuten eta 'Televisió Sense Fronteres' (Mugarik Gabeko Telebista) kanpainaren berri eman ziguten. Kanpaina hori abiatzeko arrazoiak ezagutu ondoren, hiru erakundeok, Eusko Ikaskuntzak, Euskaltzaindiak eta Kontseiluak kanpainarekin bat egitea erabaki genuen.

Babes hori bi modutakoa izango da; lehenik eta behin, Valentzian, Katalunian eta Balearretan egiten ari diren kanpainarekin bat eginez eta bestetik, kanpaina bera Euskal Herrian hedatzen laguntzen. Izan ere, Espainiako legediak Euskal Herrian ere badu eragina eta ondorioz, arlo hau arautu gabe egoteak egoera ezegonkorra sortzen du, Nafarroan, adibidez, euskarazko telebista ikusi ahal izateko.

Lege babes ezak, unean uneko arduradun politikoen borondatearen baitan uzten du euskarazko telebistak ikusteko eskubidea. Hori gertatzeko arrisku erreala dago Nafarroan. Itzalaldi analogikoaren ondorioz ETB, hau da, euskarazko telebista ikusteko aukera arriskuan egon daiteke. Nafarroako euskaldunak, gaur egungo egoerak, legediak, bere horretan mantentzen baldin badira, ez du euskarazko telebista ikusteko eskubidea bermatua izango, beti egongo da, azaldu dugun moduan aginte politikoa dagoenaren borondatearen baitan. Une honetan, dena den, badirudi borondate ona dagoela Eusko Jaurlaritzaren eta Nafarroako Gobernuaren aldetik.

Kanpaina honen bitartez, esparru hori arautzea dugu helburu. Horrela, euskarazko telebista ikusteko aukera izango da Nafarroan, legez arautua. Gaur egun, komunikazioaren gizartean bizi gara. Nola ulertu, beraz, komunikazio horri mugak jartzea?

Valentzian, Katalunian eta Balearretan egiten ari diren moduan, Euskal Herrian ere lege proiektuaren aldeko sinadurak bilduko ditugu. Une honetan hasita eta martxoaren 7 bitarte, gure egoitzetan sinadura emateko aukera izango dute herritarrek.

Ekimenaren alde egon daitezkeen eragileei deia luzatu nahi diegu, eurek ere ekimen honetan parte hartu dezaten eta norbanakoak ere sinadura ematera bultzatu nahi ditugu. Euskarazko, katalanezko eta galizieraren komunikazio-esparruen alde egitera deitu nahi ditugu herritarrak.